



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Annus Cisterciensis

In quo Pia, Et Brevi Apostrophe proponuntur Veneranda, & Imitanda Gesta  
præcipua, & eximiæ Virtutes Sanctorum ac Beatorum utriusque sexûs  
Ejusdem Sacri, Et Ab Origine Sua Exempti Ordinis

**Meglinger, Joseph**

**[S.l.], Anno MDCLXXXII.**

19. Martij. 14. Cal. April.

**urn:nbn:de:hbz:466:1-45295**

*Epur-  
gatorio  
animā  
liberat.*

*Ignes  
purga-  
torij,*

*lacry-  
mis  
nunc  
redi-  
mendi.*

genueras, è purgantibus flammis ere-  
ptam, tecum in coelum duxisti. Occur-  
re & mihi in vitæ meæ januis, tuisque me  
meritis protege, ne in manus infernalium  
tortorum incidam. Fac, ut non tantum stu-  
deam effugere aeterna damnatorum incen-  
dia; sed etiam è petra contriti cordis peren-  
nes elicere lacrymas; quibus piaculares  
flammae, si non extinguantur, saltem mihi-  
gentur.

S. BERNARDUS, ser. 28. de divers.

Quidquid nunc parvipendendo trans-  
imus, palpando tegimus, dissimulando  
negligimus; quanto illic cruciatu vin-  
dex flamma consumet! Utinam ma-  
gis nunc daret quis capiti meo aquas,  
& oculis meis fontem lacrymarum!  
Fortè enim non reperiret ignis exu-  
rens, quod interim fluens lacryma  
diluisset.



19. Martij. 14. Cal. April.

Anno  
1250.

B. ALEIDIS, dulcissima genitrix,  
melliflui Patris BERNARDI: cu-  
jus ossa hac die ex Æde Divi Benign'  
Di-

Divionensis, ubi per 145. annos quieverant, in Clarāvallem translata, sanctissime familię adjūcta sunt. *Comēda* **Animi**  
*me dilecto filio tuo Bernardo, eundemque* refo-  
*ra; ut pro sua, plusquam humana in for-* matio.  
*mandos potestate, dignetur talem animo*  
*meo formam inducere, quę illi conformis*  
*sit, quam ille à te acceptam. toti terrarum*  
*orbi tradidit imitandam.*

S. ABUNDE, verè secundùm no- *Floruit*  
 minis etymon, abundans benedictio- *circa*  
 nibus dulcedinis, quibus te DEI boni *annum*  
 tas prævenit. Vix enim duodecim æ- *1228.*  
 tatis annos impleveras; cùm jam duo- *Adul-*  
 dennis JESU imitator innocentissi- *tæ in*  
 mus, parentum imperio ad nutum ob- *puero*  
 sequi, & nullibi frequentiùs, quàm in *virtu-*  
 domo Domini morari, gaudebas. Ibi *tes.*  
 coram sacris imaginibus geniculans, *Crepū-*  
 totas horas immobilis in oratione hæ- *diarū*  
 rebas. Corpus & suapte natura, & an- *loco, a-*  
 norum imbecillitate tenerum, pro no- *mat ar-*  
 cturna quiete, non in plumas, sed su- *ma pa-*  
 per rude saxum projiciebas. Cùm so- *tientis*  
 dales tui puerilibus crepundijs tempus *Christi.*  
 tererent; tu seriò in sacris ædibus JESU  
 in Cruce pendentis clavos, & vulne-  
 rum cicatrices amplectens, hauriebas  
 in gaudio delicias tuas de fontibus Sal-  
 vatoris. Hęc erant tibi parvulo ma-  
 gnarum virtutum præludia. At ubi

venit plenitudo aetatis, tuique ex parentum consensu potestas; florentem tunc sanctitatis hortum, Villariense

*Ange-* cœnobium, petijsti: locum scilicet a-  
*lis vi-* ptissimum, cui innocentiae tuae lilium  
*sur fa-* infereres. Cujus odore acciti cœlestes  
*miia-* spiritus, elegantissima corporum spe-  
*rissimè.* cie vestiti, tam familiariter tecum a-  
gere conspiciebantur; ut jam in ipso  
tyrocinio Angelus terrestris audires.  
Nec minùs hunc florem deperibat

*R. V. ei* Fons puritatis MARIÆ; quæ te per  
*2. V. ei* quotidianos raptus ad suæ pulchritu-  
*frequē-* dinis contemplationem admittebat.  
*ser ap* In cujus admiratione aliquando in-  
*paret:* ter pfallendum defixus, cum Antiphona-

*ejus vi-* nam à te ex ordine modulandam o-  
*ces agit* mitteres; ipsamet Diva Tympanistris  
*in cho* vices tuas supplens, in habitu Cisterci-  
*ro;* ensi spectabilis, id, quod tibi præscri-  
ptum erat, tua voce decantavit. Obsi-

*recipit* gnavit deinde suam in te benevolentiam  
*ab illo* tali amoris sigillo, quo majus ex-  
*osculū:* petere ausus non fuisses: dum te post  
impressum dulcissimè osculum, ad se  
quoque dissuaviandam invitavit. Post

*multis* quem favorem obstupescendâ deinceps  
*favori-* confidentiâ in MARIAM usus,  
*bus eū* quidquid optaveras, ab illa accepisti:  
*donat.* sed, quod penè fidem superat, vel tunc  
humilitatis magistra, quasi non sua  
tibi

tibi dona largiretur, omnia tuis precibus à DEO volebat impetrari. Si animæ fuerant è supplicijs piacularibus eximendæ; ipsa te docuit, quas celerius per tua suffragia decrevisset iuvandas. Si è suis sordibus scelerati erant extrahendi; rursus illa te instruxit, quinam in altiori periculo fluctuarent. Id suo bono expertus est è cōsanguineis tuis: qui tam morti, quàm æternæ damnationi ex desperationis quadam amentia proximus, tibi debuit, quòd meliori mente receptâ, & purgatâ confessionis remedio conscientia, feliciter decesserit. Parem huic salutis suæ debitorem habuisti quendam novitium: cui quammox ad vomitum redituro, pœnitentiam simul ac perseverantiam cœlitus attulisti: gratulante identidem Virgine Matre efficaciam tuarum precum, Divinæ majestati tam accepturum. Ex qua cùm quæreret, quisnam ipsi modus orandi præ cæteris placeret: varias tibi formulas dictavit, quas statutis temporibus eam veneraturus recitares. In his primariò tibi commendavit encomia, quæ illam titulo Deiparentis honorarent. Non poterunt non accendere invidiam averni tot effusa in te siderum charismata, quin sua in te arma expediret, quibus

*Ani-  
mas ex  
Purga-  
torio li-  
berat.*

*Despe-  
ratis  
succur-  
rit.*

*Maria  
illi for-  
mulas  
orandi  
dictat.*

*Bellum  
illi mo-  
vet in-*

*ferna-  
lis ini-  
micus:*

*quem  
heroicè  
vincit.*

*Raptus  
subli-  
mis.*

*Modus  
salutã  
di Ma-  
riam,  
quem  
ipsa di-  
stavit.*

expugnandam candidæ mentis purita-  
tem credebat. Verùm in pectus ada-  
mantinum sua tela vibravit turpissi-  
mus lanista: quæ tu cum ipsius ( si ta-  
men erubescere nõsset ) pudore tanto  
impetu detorsisti; ut te multis victorijs  
inclytum porrò laceffere desierit. Pæa-  
na cœlum accinuit: atque in fortitudi-  
nis præmium tibi supra Seraphinos rã-  
pto, altissimum SS. Trinitatis myste-  
rium, submotâ ab oculis tuis omni hu-  
manæ infirmitatis caligine, concessit  
intuendum. Rara felicitas: quòd mor-  
talis aut videre DEUM merueris; aut  
aliquid sanè, in quò ipsum vidisse dice-  
reris. A tam nobili spectaculo redu-  
cem tam vehemens invasit terræ fasti-  
dium; ut nullam ultrà consolationem  
inveneris, nisi in lacrymis, & suspirijs,  
ad gustata gaudia anhelantibus. Inter  
quos gemitus, non alio morbo, quàm  
amore divino languidus, suaviter ex-  
spirâsti. *O si & ego discere ex te mererer,*  
*dignis precibus venerari Matrem Dei im-*  
*maculatam! Imitabor saltem, quanta po-*  
*tero devotione, in repetendo frequenter hos*  
*brevi illius elogio, quod hisce verbis è sa-*  
*cratissimo illius ore accepisti. [ Ave Maria*  
*gratiã plena, Dominus tecum: benedicta*  
*tu in mulieribus, & benedictus fructus*  
*ventris tui Jesus Christus: & omnia mem-*  
*bra*

bra tua benedicta. O pulcherrima inter mulieres! Spiritus sanctus supervenit in te, & virtus Altissimi obumbravit tibi: ideoque, quod natum est ex te sanctum, vocatum est Filius Dei. Beatus venter, qui te portavit, Jesum: & beata ubera, quae lactaverunt Dominum, & Salvatorem mundi.]

B. EMEBERTE: qui ad Claram-<sup>Circa</sup>vallem juvenis deductus; quam san-<sup>annum</sup>ctum locum incoleres; pietate morum <sup>1190.</sup>& vitae innocentiam ostendisti. Gravis <sup>Chri-</sup>ac diurnae aegritudinis molestias tan-<sup>stus a-</sup>ta aequitate pertulisti; ut tibi compati-<sup>grum</sup>ens Christus visibilis apparere, tuos le-<sup>solatur</sup>nire dolores, & tandem de labore ad requiem dulcissimis verbis vocare dignatus fuerit. Decipit seipsum, qui sine labore & molestiis putat, patere ad caelos <sup>Spino-</sup>viam. Qui ipsos solo Verbo condidit, per <sup>sa est</sup>idem Verbum demonstravit; spinis consti-<sup>via ad</sup>tam esse, non rosis, nisi quae sanguine via-<sup>caelum.</sup>toris ruberent. Haec veluti non ignoro: ita deinceps gaudebo; cum patiendi materiam, id est infallibilem salutis tramitem videro pedibus meis substerni.

S. BERNARDUS, ser. II. in Cant.

Memento, te etsi de nihilo factum? <sup>Discri-</sup>non tamen de nihilo redemptum. Sex <sup>men re-</sup>diebus condidit omnia, & te inter <sup>deptio-</sup>nis, &

creati- omnia. At verò per totos triginta  
onis. annos operatus est salutem tuam in  
medio terra.



20. Martij. 13. Cal. April.

Floruit **B** HUGO, Abbas Nucariæ in Sicilia:  
anno ad quod monasterium construendum ex Hispania transfretasti. Qua  
1171. sanctitate vitam traduxeris, etiam his  
temporibus produnt miraculorum beneficia, quæ tuis suffragijs incolæ consequuntur, cum ad sepulchrum tuum supplices procumbunt. De reliquo celeberrimi nominis famam, adhuc inter mortales degenti, peperit paupertatis, & pauperum amor; quibuscum omnia habebas communia: illos fratres appellare, atque ut talibus mirademissione animi servire solitus. Doct

Pauperum amator.

Fraternitas. *me fraternæ charitatis regulam semper habere præ oculis: ut sincerus cum externa conversatione animus sine simulatione conveniat. Sim humilis absque fictione: tristis sine abiectione: patiens sine contradictione: verba & facta sine proximi offensione.*

Flor. añ **B. THOMA:** qui Villarij unà cum  
1203. duobus fratribus germanis, ac paren-